

CUSSEGL GROND

Sessiun d'avust 2022

Dumonda Bischof concernent dis senza traffic d'autos

Gia dapi in temp pli lung vegnan realisadas en tut la Svizra occurrenz da «slow up». En il Grischun ha lieu quest onn ils 4 da settember, sin il tract da l'Alvra, l'occurrenza «Mountain Albula», in'acziun che vul render attent la populaziun al plaschair da pussaivladads da sa mover senza auto. Las occurrenz da «slow up» vegnan organisadas ensemen cun la regiun turistica respectiva. Per las regiuns èn ellas in'attracziun che intimescha la glied da la regiun ed en la regiun da visitar la zona senza traffic d'autos.

Cun quests dis d'aventura senza traffic d'autos po il chantun Grischun sensibilisar la populaziun per las pussaivladads da traffic senza autos, animar la populaziun d'emprender ad enconuscher differentas regiuns turisticas senza traffic individual motorisà e suttametter la rait dal traffic public ad in test realistic cun ina chargia supplementara.

Tenor il chalender d'occurrenzas da «slow up» n'è planisada l'onn 2023 gnanc in'unica occurrenza senza traffic d'autos en il Grischun. Quai è deplorabel per il Grischun sco chantun da vacanzas.

En vista a la crisa dal clima èsi ina incumbensa da la politica da s'engaschar pli fitg per strategias da mobilitad che dovran pouca energia. Questa incumbensa sto vegnir tractada cun prioritad er en il chantun Grischun.

Areguard la realisaziun da dumengias senza traffic d'autos fan las sutsegnadras ed ils sutsegnaders las suandantas dumondas a la Regenza:

1. Co po il chantun gidar a realisar dumengias senza traffic d'autos en las vischnancas ed en las regiuns?
2. Datti – en il rom dal Plan d'acziun Green Deal – pussaivladads da realisar dumengias senza traffic d'autos e da garantir in sustegn per talas?
3. Vesa il chantun las dumengias senza traffic d'autos sco contribuziun politica cunter la crisa dal clima e cunter la crisa d'energia ed a favur da la promoziun dal traffic public?
4. Portan dumengias senza traffic d'autos ina plivalur per attracziuns turisticas en las regiuns ed en las vischnancas?

Cuira, ils 3 da settember 2022

Bischof, Mazzetta, Bavier, Atanes, Bachmann, Bardill, Baselgia-Brunner, Biert, Bleuler-Jenny, Cahenzli-Philipp (Vaz Sut), Crameri (Igis), Degiacomi, Dietrich, Gredig, Hoch, Hofmann, Kaiser, Kreiliger, Nicolay, Perl, Preisig, Rusch Nigg, Rutishauser, Wilhelm